

Ўзбекистон ва Қозоғистон муфтийлари ҳамкорликни ривожлантиришни келишиб олдилар



14:07 / 04 октябрь 416

Остона сафари давомида Ўзбекистон мусулмонлари идораси раиси, муфтий Нуриддин Холиқназар ҳазратлари ва Қозоғистон мусулмонлари диний бошқармаси раиси, бош муфтий Наврӯзбай ҳожи Тағанули жаноблари икки томонлама ҳамкорликни муҳокама қилдилар.

Мулоқот аввалида Қозоғистон бош муфтийси Ўзбекистон делегациясига қардош халқларнинг нуғузли йиғилиши ва унинг доирасидаги анжумандада фаол иштироки учун миннатдорлик билдириди. Ўз навбатида Нуриддин Холиқназар ҳазратлари ҳам Қозоғистон мезбонлигига ўтган Туркий давлатлар муфтийлари кенгашининг V йиғилиши юқори даражада ўтгани билан қутлади.

Суҳбат давомида мамлакатлар ўртасидаги диний-маърифий ҳамкорлик изчил ривожланиб, халқларимиз ўртасидаги биродарлик, бирдамлик ва қардошлиқ алоқалари янада мустаҳкамланиб бораётгани, икки давлат раҳбарларининг оқилона сиёсати туфайли муносабатлар янги босқичга кўтарилгани алоҳида таъкидланди.

Мулокотда қардош муфтийлар фатво мутахассислари ўзаро тажриба алмашишини давом эттириш, замонавий масалаларда фатволар ишлаб чиқиш ва илмий-тадқиқотлар олиб бориш каби йўналишларни янада ривожлантиришга келишиб олдилар.